



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 04-1-11-4-5343/26

Dana: 16.09.2026. godine

Na osnovu člana 21. stav (3) tačka (c) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19, 31/19, 39/20 i 18/26) čl. 10a stav (a) i 18. stav (2) Zakona o javnim nabavkama („Službeni glasnik Bosne i Hercegovine", broj 39/14, 59/22 i 50/24), ministar unutrašnjih poslova Kantona Sarajevo, d o n o s i:

ODLUKU

o izuzeću od primjene Zakona o javnim nabavkama

I

Od primjene Zakona o javnim nabavkama izuzima se nabavka usluga zakupa prostora za deponovanje privremeno oduzetih motornih vozila za potrebe Uprave Policije Ministarstva unutrašnjih poslova Kantona Sarajevo, na period od godinu dana.

II

Procijenjena vrijednost nabavke iznosi do 145.000,00 KM bez PDV-a.

III

Novčana sredstva za plaćanje nabavke osiguravaju se iz Budžeta Kantona Sarajevo za 2026. godinu („Službene novine Kantona Sarajevo“ broj: 52/25) i DOB-a za period 2027.-2029. godina, razdjel 17, glava 01, ekonomski kod 613600.

IV

Ova Odluka stupa na snagu danom donošenja.

Obrazloženje

Shodno naredbi nadležnog suda i u skladu sa odredbama Zakona o osnovima bezbjednosti saobraćaja na putevima u Bosni i Hercegovini ("Sl. glasnik BiH", br. 6/2006, 75/2006 – ispr., 44/2007, 84/2009, 48/2010, 48/2010 - dr. zakon, 18/2013, 8/2017, 89/2017, 9/2018, 46/2023, 88/2023 i 35/2026), član 42a stav (3) i (4)., Uprava policije ovog Ministarstva ima zakonsku obavezu da skladišti, osigurava i čuva privremeno oduzeta motorna vozila na za to predviđenom depou. Trenutna lokacija na kojoj su deponovana motorna vozila je Reljevo i ugovoreno je 14.500 m² prostora sa firmom Bosman d.o.o. Sarajevo. S obzirom na to da je prethodni ugovor o zakupu prostora istekao, ukazala se potreba za ugovaranjem novih skadišnih kapaciteta.

Pored toga usljed kontinuiranog i povećanog priliva privremeno oduzetih motornih vozila po naredbama nadležnih sudova, te istovremeno znatno smanjenog intenziteta njihovog povrata u posjed ranijim vlasnicima, postojeći kapaciteti depoa su u potpunosti popunjeni.

Zbog deficita skladišnog prostora, značajan broj vozila postao je fizički nepristupačan, što onemogućava pristup pojedinim vozilima i iziskuje angažman specijalne dizalice radi premještanja vozila, čime se generišu dodatni finansijski troškovi za ovo Ministarstvo.

Kako bi se ovi troškovi minimizirali, a rad depoa nesmetano nastavio potrebno je ugovoriti veći prostor.

Kako bi se osiguralo nesmetano izvršavanje zakonskih obaveza Uprave policije u pogledu skladištenja i čuvanja deponovanih vozila, te spriječilo ugrožavanje operativnog rada, pristupilo se donošenju ove Odluke.

S obzirom da su ispunjeni uslovi propisani članom 10a stav (a), Zakona o javnim nabavkama („Službeni glasnik Bosne i Hercegovine”, broj 39/14, 59/22 i 50/24), odlučeno je kao u dispozitivu.

Dostaviti:

1. Upravi podrške,
2. Kabinet ministra, stručnom savjetniku za odnose s javnošću i
3. a/a.

